



# Մ ՈՒՐՐ Զ ԱԿՈՐ

## ԱՌԱՋՆՈՐԴԱՆԻՍ ԱՄՅՐ ԵՄ ԿԵՂԵՅԻ



Ծաղկաշարի

09 ԱՊՐԻԼ 2017

Կիրակնօրեայ Ընթերցումներ	Էջ 1
Ծանուցումներ	Էջ 3

### ԸՆԹԵՐՑՈՒՄ

### ԶԱՔԱՐԻԱ ՄԱՐԳԱՐԷԻ ԳԻՐՔԷՆ

(9.9-17)

**Մ**եծապէս ուրախացի՛ր, Սիոնի՛ բնակիչ, ցնծութեամբ աղաղակէ՛, բնակիչ Երուսաղէմի. ահա թագաւորդ քեզի կու գայ արդարութիւն եւ փրկութիւն բերելու. որպէս հեզութեան նշան՝ նստած իշու վրայ, դեռ մատղաշ աւանակի վրայ: Անիկա Եփրեմի երկրէն պիտի անհետացնէ պատերազմի կառքերը, Երուսաղէմէն պիտի վերացնէ պատերազմի ձիերը. պատերազմի աղեղը պիտի խորտակէ եւ խաղաղութիւն պիտի յայտարարէ ժողովուրդներուն: Անիկա իր իշխանութիւնը պիտի տարածէ ծովէ ծով, Եփրատ գետէն սկսեալ մինչեւ ծայրերն աշխարհի: Գալով քեզի, Տէրը այսպէս կ'ըսէ. «Քանի արիւնով ուխտ կնքեցի հետդ, գերեվարուած քու եղբայրներդ պիտի ազատեմ անջրդի անապատին խորերէն: Երուսաղէմ վերադարձէք, ո՛վ գերիներ, որ յոյսով կը սպասէք. ահա կը յայտարարեմ, թէ ձեր աքսորի ժամանակաւոր գրկանքներուն փոխարէն՝ կրկնապատիկ բարիքներով պիտի հատուցանեմ ձեզի: Ինծի համար Յուդան պիտի լարեմ աղեղի պէս, իսկ Եփրեմը՝ նետի պէս. զաւակներդ

հեթանոսներուն դէմ պիտի հանեմ, ո՛վ Սիոն, եւ քեզ ձեռքիս մէջ պիտի բռնեմ պատերազմիկ զինուորի պողպատեայ սուրին նման»: Այո՛, Տէրը ինք վերակացու պիտի ըլլայ անոնց վրայ. անոր նետը փայլակի պէս պիտի հարուածէ: Այո՛, Տէրը, Ամենակալ Աստուածը փող պիտի հնչեցնէ եւ թշնամիներուն դէմ պիտի քալէ՝ մորրիկի պէս սպառնալից: Ամենակալ Տէրը ինք պիտի պաշտպանէ իր ժողովուրդը եւ անոնք պիտի բնաջնջեն թշնամիները զանոնք պարսատիկներու քարերուն տակ թաղելով. անոնց արիւնը պիտի խմեն որպէս գինի եւ անոնց արիւնով տաշտեր պիտի լեցնեն, այնպէս՝ ինչպէս կ'ընեն զոհասեղանին վրայ: Այն օրը Տէրը պիտի փրկէ իր ժողովուրդը այնպէս՝ ինչպէս հովիւ մը կը փրկէ իր սեփական հօտը. եւ անոնք թանկագին քարերու պայծառութեամբ պիտի փայլին Աստուծոյ երկրին մէջ. երկիր մը՝ ամէն բարիքներով ու գեղեցկութեամբ լեցուն, ուր երիտասարդները ցորենով պիտի աճին եւ կոյսերը՝ անուշարար գինիով:

Այո՛,  
Տէրը ինք  
վերակացու  
պիտի ըլլայ  
անոնց  
վրայ.  
անոր նետը  
փայլակի  
պէս պիտի  
հարուածէ:

Այն օրը  
Տէրը պիտի  
փրկէ իր  
ժողովուրդը  
այնպէս՝  
ինչպէս հովիւ  
մը կը փրկէ  
իր սեփական  
հօտը...:

ԸՆԹԵՐՑՈՒՄ ՊՕՂՈՍ ԱՌԱՔԵԱԼԻ  
ՓԻԼԻՊՊԵՑԻՆԵՐՈՒՆ ԳՐԱԾ  
ՆԱՄԱԿԷՆ  
(4.4-7)

Բոլորին  
հանդէպ  
հեզ եւ  
ազնիւ  
եղէք:

**Մ**իշտ ուրախ եղէք Աստուծով.  
Դարձեալ կ'ըսեմ՝ ուրախ եղէք:  
Բոլորին հանդէպ հեզ եւ ազնիւ  
եղէք: Շուտով Տէրը կու գայ:  
Որեւէ բան թող չմտահոգէ ձեզ.  
այլ միշտ ձեր աղօթքներուն  
եւ աղաչանքներուն մէջ  
գոհունակ սրտով Աստուծմէ  
խնդրեցէք ինչ բանի որ կարիքը  
կը զգաք, եւ այն ատեն Աստուծոյ  
խաղաղութիւնը, որ մտքով կարելի  
չէ հասկնալ, խաղաղ պիտի պահէ ձեր  
սրտերն ու մտքերը, որոնք Քրիստոս  
Յիսուսի միացած են:

ԸՆԹԵՐՑՈՒՄ  
ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ  
ԸՍՏ ՄԱՏԹԷՈՍԻ  
(20.29-21.17)

**Ե**րբ Յիսուս եւ իր աշակերտները  
Երիքովէն դուրս կ'ելլէին, մեծ  
բազմութիւն մը հետեւեցաւ իրեն:  
Ճամբու եզերքին նստած երկու կոյրեր,  
երբ լսեցին որ Յիսուս կ'անցնի, սկսան  
աղաղակել. «Ողորմէ՛ մեզի, Յիսո՛ւս,

«Ողորմէ՛  
մեզի,  
Յիսո՛ւս,  
Դաւիթի  
որդի»:

Դաւիթի որդի»: Ժողովուրդը  
սաստեց անոնց որպէսզի  
լռեն, բայց անոնք աւելի  
բարձր ձայնով շարունակեցին  
աղաղակել. «Ողորմէ՛ մեզի,  
Տէ՛ր, Դաւիթի որդի»: Յիսուս

կանգ առաւ, իր մօտ կանչեց կոյրերը եւ  
հարցուց. «Ի՞նչ կ'ըզէք որ ընեմ ձեզի»: Անոնք  
պատասխանեցին. «Տէ՛ր, թող  
մեր աչքերը բացուին»: Յիսուս զթաց  
եւ անոնց աչքերուն դպաւ: Կոյրերը  
անմիջապէս սկսան տեսնել եւ հետեւեցան

իրեն:

Երբ Երուսաղէմի մօտեցան եւ հասան  
Բեթփազէ, Ձիթենեաց լերան կողին,  
Յիսուս իր աշակերտներէն երկուքը  
դրկեց՝ անոնց պատուիրելով. «Գացէք  
սա դիմացի գիւղը եւ հազիւ այնտեղ  
մտած կապուած էջ մը պիտի գտնէք  
իր աւանակին հետ. քակեցէք եւ ինծի  
բերէք: Եթէ մէկը առարկէ, ըսէք. “Տէրը  
անոնց պէտք ունի”, եւ անմիջապէս թոյլ  
պիտի տայ ձեզի»: Ասիկա պատահեցաւ,  
որպէսզի իրականանայ մարգարէին  
խօսքը.

“Երուսաղէմի ըսէք.

Ահա քու թագաւորդ քեզի կու գայ.

Անիկա հեզ է, նստած իշու մը  
աւանակին վրայ”:

Աշակերտները գացին եւ կատարեցին  
ինչ որ Յիսուս պատուիրեց իրենց: Բերին  
էշն ու աւանակը եւ իրենց հագուստները  
անոնց վրայ դրին: Ապա Յիսուս նստաւ  
աւանակին վրայ: Ժողովուրդէն շատեր  
իրենց հագուստները կը փռէին ճամբուն  
վրայ, ուրիշներ ծառերէն ոստեր կը  
կտրէին եւ կը տարածէին ճամբուն  
վրայ: Եւ ամբողջ բազմութիւնը, որ  
թափօրին մէջ Յիսուսի առջեւէն կ'երթար  
կամ կը հետեւէր իրեն,  
կ'աղաղակէր.

... օրհնեալ  
է ան որ  
կու գայ  
Տիրոջ  
անունով:

“Օրհնութի՛ւն Դաւիթի  
որդիին,  
օրհնեալ է ան որ կու  
գայ Տիրոջ անունով:

Օրհնութի՛ւն Բարձրեալին”:

Երբ Յիսուս Երուսաղէմ մտաւ, ամբողջ  
քաղաքը դղրդեցաւ: «Ո՞վ է ասիկա»,  
կը հարցնէին քաղաքի բնակիչները. եւ  
ամբօրը կը պատասխանէր. «Ասիկա  
Յիսուս մարգարէն է, Գալիլիայի Նազարէթ  
քաղաքէն»:

Ապա Յիսուս տաճար մտաւ եւ

դուրս վռնտեց բոլոր անոնք որոնք տաճարին մէջ առուծախ կ'ընէին. լուսմայափոխներուն սեղանները եւ աղաւնեվաճառներուն աթոռները շրջեց եւ ըսաւ անոնց. «Սուրբ Գիրքերուն մէջ գրուած է. “Իմ տունս աղօթքի տուն պիտի կոչուի”, մինչ դուք զայն աւազակներու որջի վերածած էք»:

Տաճարին մէջ Յիսուսի մօտեցան կոյրեր եւ կաղեր եւ ան բժշկեց զանոնք: Երբ քահանայապետներն ու դպիրները տեսան Յիսուսի կատարած հրաշքները եւ

լսեցին աղաղակը մանուկներուն, որոնք տաճարին մէջ կը գոչէին. “Օրհնուածի՛ւն Դաւիթի որդիին”, բարկացան եւ Յիսուսի ըսին. «Կը լսե՞ս ինչ կ'ըսեն ատոնք»: Յիսուս պատասխանեց. «Այո՛, չէ՞ք կարդացած սուրբ գիրքին սա խօսքը, թէ “Մանուկներու եւ կաթնկեր երեխաներու բերնով գովեստ հիւսեցիր”:

Ապա Յիսուս ձգեց զանոնք եւ քաղաքէն դուրս ելաւ՝ դէպի Բեթանիա, եւ հոն գիշերեց:

## **Ս. ՅԱԿՈԲ ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՅԻ**

### **ԺԱԱՆԱԿԱՅՈՂՅ ԱԽԳ ՀԱԲԹՈՒՄ** 2017

#### **ԱԽԳ ԵՐԵՔՀԱԲԹԻ, 11 ԱՊՐԻԼ**

ԵՐԵՎԱՆԻ ՍՏԱՆԳՐԱԿԱՆ ԺԱՄԵՐԳՈՒԹԻՒՆ («ՏԱՆԸ ԿՈՒԱՆԱՅ») ԺԱՄԸ 19.00-ԻՆ

#### **ԱԽԳ ՀԻՆԳՀԱԲԹԻ, 13 ԱՊՐԻԼ**

ԺԱՄԵՐԳՈՒԹԻՒՆ՝ 10:30-ԻՆ - Ս. ՊԱՏԱՐԱԳ՝ 11:00-ԻՆ  
ՈՏԱՆՈՒՄԻ ԱՐԱՐՈՂՈՒԹԻՒՆ՝ ԺԱՄԸ 18:00-ԻՆ  
ԽԱԽԱՐԱՆ ԺԱՄԵՐԳՈՒԹԻՒՆ՝ ԺԱՄԸ 21:00-ԻՆ

#### **ԱԽԳ ՈՒՐԲԱԹ, 14 ԱՊՐԻԼ**

ԽԱՅԵՂՈՒԹԵԱՆ ԵՒ ԹՊՊԱՆ ԺԱՄԵՐԳՈՒԹԻՒՆ՝ ԺԱՄԸ 19:00-ԻՆ

#### **ԱԽԳ ՀԱԲԱԹ, 15 ԱՊՐԻԼ**

##### **ՃՐԱԳԱԼՈՅՅ**

ԱՍՏՈՒԾԱՇԱՉԱԿԱՆ ԸՆԹԵՐՅՈՒՄԱՆԵՐ՝ ԺԱՄԸ 17.00-ԻՆ՝  
Ս. ՊԱՏԱՐԱԳ՝ ԺԱՄԸ 18:00-ԻՆ

#### **Ս. ԶԱՏԻԿ**

##### **ԿԻՐԱԿԻ, 16 ԱՊՐԻԼ**

ԺԱՄԵՐԳՈՒԹԻՒՆ՝ 9.30-ԻՆ - Ս. ՊԱՏԱՐԱԳ՝ 11.00-ԻՆ

Ս. ՊԱՏԱՐԱԳՆ ԿՈՒ ԱՍՏՈՒՅԷ ԵՒ ԿՈՒ ՊԱՏԳԱՄԷ  
**ԳԵՐՇ. Տ. ԲԱԲԳԷՆ ՍՐԲ. ԱՐՔԵՊԻՍԿՈՊՈՍ**  
ԱՌԱՋՆՈՐԴ ԳԵԱՏԱՅԻ ՀԱՅՈՅ ԹԵՄԻՆ

#### **ՅԻՇԱՏԱԿ ՄԵՌԵԼՈՅ**

##### **ԵՐԿՈՒՇԱԲԹԻ, 17 ԱՊՐԻԼ**

ԱՅԵՂՈՒԹԻՒՆ ՀԱՆԳՈՒՅԵԱՂԱՆԵՐՈՒ ՇԻՐԱՆԵՐՈ

# ԱՌԷ՛Ք ԵՒ ԿԱՐԴԱՅԷ՛Ք

## Մ աշտոցի Արձագանգ

Հայաստանեայց Եկեղեցոյ Սուրբ Յակոբ Կիրակնօրեայ Դպրոցի ամսաթերթ  
 WWW.SOURPHAGOP.ORG (17-րդ տարի)

Այս թիւով.....		Ապրիլ 2017 (ԻԴ տարի թիւ 8)
Ապրիլ ամսուան տօնացոյց	Էջ 2	
Սր. Գրիգոր Լուսաւորիչի Խոր Կիրապ Մուտքը	Էջ 3	
Զ. Կիրակի՝ Գալստեան	Էջ 4	
Է. Կիրակի՝ Ծաղկազարդ	Էջ 4	
Զատիկ՝ Սր. Յարութիւն	Էջ 5	
Յ ի ս ու ս ի յ ա դ թ ա կ ա ն մ ու տ ք ը		
Երուսաղէմ	Էջ 6	
Աւագ Երկուշաբթի	Էջ 7	
Աւագ Երեքշաբթի	Էջ 7	
Տասը կոյսերուն առակը	Էջ 8	
Աւագ Չորեքշաբթի	Էջ 9	
Աւագ Հինգշաբթի	Էջ 10	
Աւագ Ուրբաթ	Էջ 11	
Աւագ Շաբաթ	Էջ 10	
Նոր Կիրակի - Կրկնագատիկ	Էջ 12-13	
Շարական Նոր Կիրակիին	Էջ 14	
Աշխարհամատրան կամ Կանաչ Կիրակի	Էջ 15	
Ո՛րն է ճիշդ պատասխանը	Էջ 16-19	
Ինչպէ՛ս ոգեկոչել Մեծ Եղեռնի նահատակներուն անմահ յիշատակը	Էջ 20	

### Քրիստոս Յարեալ ի Մեռելոց Օրինեալ Է Յարութիւնն Քրիստոսի